

احنا و القمر جيران

نور إسماعيل

نوفيللا



جروب روايات
دينا إبراهيم (روكا)

2021

إحنا والقمر جيران

إحنا

و

القمر جيران

نور إسماعيل

إحتفالية عيد الفطر جروب ديننا إبراهيم روكا

نور إسماعيل

تصميم

الغلاف الخارجى : سمر

الهاشوم

الغلاف الداخلى و التعبئة

وروابط : زهرة

جروب دينا إبراهيم روكا

للبنات

إحنا والقمر جيران

«المقدمة»

أن تقوم بإختياري كملجأ، يعني ذلك
أنك في أمان مهما كلفني الأمر..

الفصل الأول

يَوْمًا تُعَاتِبُنَا... وَقَعَدْنَا وَشَرَبْنَا

الشراب العال يا ويل ويل حالي

تَحْتَ عُودِ الزَانِ

كان صوت هاتفه عالياً حينما كان يقوم "بيجاد"
بتهديب ذقنه بالماكينه الكهربائيه المخصصه
لذلك، ويدندن ببعض كلمات من الاغنية ناظراً
إلى المرآه.

قُطِعَ صوت المطرب حينما رن صوت الهاتف
واذ ب صديقه "كريم"، ف هم بالرد عليه

_بيجوووو صباحو فل

ترك بيجاد الماكينه و أردف إليه مهتماً

_صباحو فل يا كيكو، الكلام على إيه

_بتعمل إيه

_بلعب باليه

_ ياعم بتكلم جد

_ بحلق وبظبط عشان نازل اشوف شقه ويارب
المرّة دي تظبط

نهض كريم من مجلسه واردف الى بيجاد

_ طيب شوفها ونتقابل بليل عشان نتفق على
مواعيد البروفات .. المسابقة قربت

_ اشطا ، اخلص واديك فون

اغلق بيجاد الهاتف واكمل م كان يفعله وهو
ينظر إلى الساعة حتى لا يتأخر على ميعاد
"سمسار العقارات" .

يدان رقيقتان تمسك بنظارة طبية برفق ، ينطلق
بخار انفاسها بالعدستين ومن ثم مسحها بمنديل
النظارة المخصص لها .

اتمت مسحها ووضعها على وجهها ، ونظرت
الى وجهها بالمرآه ف وجدت _ شعرتين _
بارزتين فى منطقة شفتيها ، رفعت "هبة" إحدى

حاجبيها وامسكت الملقاط كي تلتقطهم ولم
تستطع ف تكاسلت وتركتهم كما هما..

آلة خلط النسكافيه يمسكها بيجاد بيده يصنع
لنفسه كوباً قبل نزوله ، جلس وارثشف الكوب
بمزاجيه

ونظر الى هيئته النهائية بالمرآه وحمل نظارته
الشمسية وذهب إلى مقصده..

خرج من بهو الفندق الصغير المقيم به مؤقتاً
حتى يجد شقة صغيرة لفترة ، وقف ينتظر حافلة
حتى اتت بعد فترة طويلة نسبياً واستقلها ورحل!
وشاح حريري ، وشاح قطنى ، وشاح كتانى ...

تضعهم هبة أمامها متحيرة ككل يوم ، ايهم
ترتدى ل تذهب الى عملها

ف ها هي هبة

طبيبة صيدلانية ، ذات ال32 عاما تتمتع ببشرة
سمراء جميلة وجسد مملوء قليلاً ..تعمل
صباحاً ب صيدلية المستشفى العام

ومساء ب صيدلية تملكها هي وصديقة لها .
حياتها تدور ب روتين مُمل للغاية ، على نفس
الرتم منذ سنوات ولاشي يتغير .

كانت تقطن مع والدتها حتى وافتها المنية ،
واصبحت وحيدة من دون احدا ، لا يوجد ارتباط
لا يوجد اختلاط ، صديقه وحيدة شريكها
بالصيدلية تدعى "ياسمين" وبنفس العمر تقريباً
أمسكت الوشاح القطنى ، وضعته على وجهها
وبدأت ب لفه بطريقه معهوده ومتكررة لها ،
ارتدت سترتها

وحذائها ، هاتفها يرن يقوموا ب استعجالها فقد
تأخرت كعادة كل يوم .

حملت حقيبتها ووضعت هاتفها بها وانطلقت إلى
المشفى واغلقت الباب خلفها .

ينظر بيجاد هنا وهناك ، غرفه رثة وغير نظيفه
...مرحاض غير نظيف وبه تكسير

رف خشبي معلق بزاوية من بعيد أطلق عليه
السمسار ان هذا هو المطبخ!
أمتعض بيجاد من المنظر وإلتوت شفتيه وأردف
الى السمسار قائلاً

_ يا عم عبدالله بقولك شقه على أدها ، أوضه
وصالة ماشى

لكن مش عشة فراخ ... ايه دا ؟

إلتوت شفتى السمسار وأردف إليه ساخراً
_ ياباشا انت طلبت حاجه على أدك واد الايجار
الل بتقول عليه وهو دا طلبك

_ ليه يا عم هو انا هدفع بالجنيه الجبس

_ يابيه انت فالقاهرة ، ومتأخذنيش ... اكيد فبلدك
دمياط الاسعار مش زى هنا وانت واخذ على إن

الاسعار الل بتقولها دى تنفع عندنا ... وهو دا

الل على اد الايجار الل هتدفعه!

اخذ يتلفت بيجاد حوله ينظر هنا وهناك حانقاً ،

بيجاد

الشاب مفتول العضلات ذو الـ35 عاماً ، دمياط المنشأ والأصل ..شاب رياضى.. وسيم.. ويعمل بمجال الموسيقى

قام هو واصدقاؤه ب إنشاء فرقة موسيقية وانتشرت رويداً رويداً حتى ذاع صيتها نسبياً ..وحينما علموا ب إعلان عن مسابقه للموهوبين بالقاهرة قدموا بها وها هم يعملوا على التدريبات حتى ميعاد المسابقه .

كل فرد بالفرقه وجد المكان الذى سيقطن به حتى ميعاد المسابقه ، قريب أو اخ او شخص على معرفه بالعائلة

إلا بيجاد ...كل يوم يبحث عن شقة صغيرة او غرفه ملحق بها مرحاض ومطبخ حتى تنتهى المسابقه ولم يجد ويعود فى نهاية كل يوم كما السابق ، نزيل بفندق صغير حتى يجد مطلبه .

تاكلى فول يا هبة ولا طعمية ؟

_الاتنين ، وكترى طحينه وبتتجان مخلل
وبطاطس

ضحكت زميلتها وأردفت

_عارفه متقلقيش ، هو أنا اقدر اطلبلك فطار من
غير تحابيش

_وكوباية الشاى بالنعنااع متنسيش

جلست زميلة هبة بجانبها إثر تصفح هبة لأحد
دفاتر الصيدلية وقالت لها

_هبة ...

_ممم

_بقولك

اغلقت هبة الدفتر ونظرت إلى زميلتها وارذفت
بشئ من العصبية

_فيه إيه؟ متقعديش تلفى وتدورى كثير كدا
عالصبح

_ممم مانا مش عارفه ابدء منين بصراحه

فتحت هبة الدفتر مرة ثانية وأردفت بعدم اعتناء

_ابدئى من الحتة الل تعجبك

_بصراحه بقا ... الموضوع ، عريس!

تركت هبة الدفتر ونظرت لزميلتها رافعه

حاجبها

_عريس!

هزت زميلتها رأسها ف اكلت هبة تساؤللاتها

_ليّا؟

_او مال ليّا

قامت هبة بالجلوس وهى تدرب نفسها تدريبات

التتنفس حتى تحبس عصبيتها

_انتِ تانى ، وعريس تانى

عبست زميلتها بحاجبيها وقالت مدافعه عن

نفسها

_يووووه انسى المرة الل فاتت يا هوبا ، المرة

دى غير

_ لاء م انت مش هتجيبى حاجه عدلة ، بتجيبلى

ناس شبه خطيبك ابو قوصه دا

او ناس رجلهم والقبر أساساً

ضحكت الفتاة بشدة وأردفت

_ لاء ياستى المرة دى حاجه كدا ايبيه لوز ،

ايه رأيك ابدء اقولك مواصفاته وتشوفى صورته

ولا إيه؟

وضعت هبة وجنتها إلى يدها وبدأت فالانصات

_ اتفضلى قولى يارب حاجه عدلة المرة دى

_ طب أعمل ايه يا جنات مش لاقى لحد دلوقت

وادينى مرزوع فاللوكاندة الغريبة دى

تأففت صديقة بيجاد وقالت له

_ انت خدت على قاعدتك فالقاهرة وخلص ، لو

مفيش فُضها سيرة وتعالا بقا

_ آجى ازاي ! والمسابقه والحلم ، والمشوار

الطويل ال قطعناه انا والفرقه

إنتِ عارفه أنا لو سيبت كل دا دلوقت ممكن
نخسر إيه

_بيجاد! متحسسنيش إنك هتكسب وهتبقى
مشهور لدرجه ان ييجى عليك اليوم انك تلحن
لتامر حسنى

_بتتريقى يا جنات؟

_يابيجو إنت وحشتنى موت بصراحه
وعشان وحشتك عاوزانى اهدم كل دا دلوقت
_ايوة ،تختارنى أنا بقا وتسيب كل دا

اعطى هاتف بيجاد إنذار ب مكالمة اخرى
تنتظر بالجهة الاخرى ف ابتسم وأردف الى
صديقه جنات

_جنات هرد عالويت

_مين ان شاء الله

_كريم يا حبيبتى ،كريم عشان هنتقابل كمان
شوية ..تحبي اقولك بنتقابل نقول إيه

_أووووه ، حاسه انك هتكسر الدنيا يا بوووجى
_لاء بوجى دى هحس اننا فرمضان ، ورمضان
جانا وفرحنا به ومش هعرف ادلعك يا حلو انت
يا حلو

ضحكت شيرين عالياً ف أردف بيجاد
_مكالمتك يا شيرى بتغسلنى من جوا ، انا من
شوية كنت بكلم واحدة اسمها رأفت
ضحكت شيرين بشدة بطريقة مثيرة ومن ثم
إنتهبت ف سألت بيجاد

_بتكلم واحدة !

_بكلم واحدة الساعه واحده ...إضحك يا حلو
بلاش غم

" لا يتصل بروحها شيء إلا نبتَ واخضر ثم
نور وأزهر .. كأن طبيعية الجمال خبأت في
قلبها سر الربيع .. تستطيع أن تشعرني أنها في
وإن كان بيننا من الهجر بُعد المشرقين .. وأن

تنزل السلام علي قلبي وإن كانت هي نفسها
الحرب .. وأن تجعلني أحبها " .

ضغطت ياسمين زر الاعجاب على منشور هبة
ب_ الفيسبوك_ وأردفت إليها

_ حلو أوى البوست دا يا هبة

كانت ترتدى معطفها الابيض بعدما انتهت من
تناول طعام الغداء برفقة ياسمين فى الصيدلية
خاصتهم

وها هما يجلسان بالفترة المسائية بالعمل ،اقبلت
هبة نحوها وقالت وهى تتهلل أساريرها

_ عجبك بجد ؟

_ جداً، عارفه يابت يا هبة ... رغم انك
رومانسية جداً إلا انك مش بتجرى على
الإرتباط ولا ارتبى مرة فحياتك

ومُرحبه جداً بالجواز الصالونات فكل مرة
عريس يتقدمك

شردت هبه ونظرت لاسفل وهى تردف

_يعنى هو انا كنت لاقيت الحب الل بدور عليه
وممسكرتش فيه ؟ طول عمرى بدور عالجب

وحد يحبنى لنفسى ،زى مانا كدا

ومش محظوظه عشان الاقيه ،وادينى قاعدة لحد

ماييجى الفرج

ابتسمت لها ياسمين ومسحت على يدها وقالت

برفق

_انتِ قاعدة لحد ماييجى الفرج مش الفرج وبس

،اضحك بقا

ابتسمت هبة فقامت ياسمين بسؤالها

_العريس هيجى امتى يقابلك !

_بتقول يومين وتقوله وهو يرد عليها

_إتفائلى خير ،انا متفائله...تحي آجى انا

وخيرى ونقابله معاك

ضحكت هبة وقالت

_ لاء بلاش تيجى إنتِ وخيرى عشان كل مرة
جيتوا معايا وقابلنا حد كانت مش بتتم ،بصراحه
بحس انكم نحس عليّا

ضحكت ياسمين على عفوية هبة ،هى تعرفها
منذ وقت طويل وتعلم بطيبة قلبها ولذلك
لاتغضب منها ابدأً أو تحمل فى قلبها شئ منها
إطلاقاً..

_ متقرفناش بقا يا بيجاد خليك فاللوكاندة دى لحد
م ربنا يفرج او لحد م تخلص المسابقه
قالها أحدهم اثناء جلوسهم بإحدى المقاهى ،نظر
إليه بيجاد ساخراً وأردف

_ ياض هو اناقار فك وبقولك دور معايا ،مممكن
تسكت !

_ طب م تاخذ الأوضه الل شوفتها انهاردة وابقا
اظبطها انت يا بيجو

او ما بيجاد رأسه بالنفى وهو يرتشف مشروبه
وأردف

_ اكيد لاء طبعا، انا هبقا فاضى اظبط الاوضة

ولا اشوف البروفات

أكمل له صديقه مداعباً إياه

_ والبنات والمكالمات

_ مترولش ياض ومتحلوش كثير

اطفاً الاخر سيجارته وأردف الى بيجاد

_ لاء فعلا يا بيجو انت بتلحق تعرف البنات دى

كلها امتى وتظبط الدنيا ما بينهم ازاي؟

أبتسم بيجاد إبتسامة عريضة يبدو عليه الفخر

بنفسه وأردف

_ يا بنى دى قدرات , حتى لو وصفتك مش

هتعرف

نظر إليه احد اصدقائه فاغراً فاه وقال

_ ليه يعنى ، فيك ايه زيادة ... زيك زينا كلنا

نظر له بيجاد وأردف

_ يابنى هو أنا مش قولتلك تسكت ،البُق دا
ميتكلمش ياكل بس ويشرب ميه

إثر تحدثهم مرت فتاة مُلفت جمالها وملابسها
وجلست بالقرب من منضدتهم بمفردها ، اعتدل
بيجاد فى جلسته واقترب منهم وتحدث بصوت
خالفت إليهم

_ شايفين شبح العالم دا ، قاعدة لوحدها
_ آااه

_ انا هروح لها جايز تكون عاوزة حاجه
ضحك الجميع فقال أحدهم
_ ونس وحدثها

_ أو اسألها ع شقه للايجار بسعر رخيص فين
_ أو اسألها على شارع يا وحشنى رد عليا ازيك
سلامات

أشار بيجاد بيده إليهم يصمت الجميع ، وعدل
هندامه وتوجه ناحية منضده الفتاة بعدما غمز
إليهم ب احدى عيناه مبتسماً ..

الفصل الثاني

هبة أمام مرآتها تستعد للقاء العريس الذي
احضرته لها زميلتها ك كل مرة ، تحاول هي
ان تكون متفائلة عن المرات السابقة .

امسكت قلم أحمر الشفاه ووضعت منه القليل
على شفثيها ، أمسكت قلم الكحل وكحات
عيناها ، مشطت اهدابها بفعل المسكرة

ارتدت وشاحها ، وذهبت إلى حيث المكان
المتفق عليه ، كانت تنتظرها زميلتها وشقيقة
زميلتها.

تصافحوا وجلسن ثلاثهن ينتظرن العريس
المستقبلي.

مرت الدقائق ، وأتى من بعيد ... شاب يبدو أنه
أربعيني ذقنه ينبت بها بعض الشعيرات بيضاء
اللون ، يرتدى سترة بيضاء وبنطال أسود
لابأس به .

دنى نحوهم حيث رأى زميلة هبة ، شاركهم
جلستهم وبدأت المباراة التي اعتادت عليها هبة
خصيصاً بالفترة الأخيرة..

_ مساء الخير يا دكتورة هبة ، انا حازم

البيلاوي

تصنعت هبة الابتسامه وتبادلت معه التحيه ، ف

أردف حازم

_ شربتِ حاجه ولا أطلب لك .. اقصد اطلب لكم

يعنى

ضحك بخفه فتر عمت زميلة هبة القيام هي

وشقيقتها وقالت

_ لاء انا واختى هنطلب على تربييزة تانية، وانتو

خدوا راحتكم

قاما و جلسا بجانبهم على منضدة أخرى ، لاحظ

حازم توتر هبة ف تحدث

_ اتفضلى يا دكتورة سامعك

_ممكن حضرتك تتكلم ، تقريبا انت عارف كل
حاجه عنى انا الل معرفش اى حاجه
عدّل العريس هندامه وبدء بالتحدث عن نفسه
واردف

_انا حازم ،مهندس فى شركة مقاولات ...ارمل
ومفیش أولاد

عندى ٤٤سنه ..الارتباط بالنسبة لى كان شئ
مستحيل ،بس إنت عارفه مع الوقت بنحس اننا
عاوزين حد معنا يشاركنا الحياة ومتطلباتها
كانت تستمعه هبة وتوما برأسها إيجاباً، فتبسم
هو اى انه يريدنا مجاراته بالحديث
تتحنحت وبدأت هى

_انا دكتورة صيدلانية وبشتغل الصبح
فالمستشفى وبليل فى صيدلية بتاعتى انا
وصاحبتى

ومفیش عندى جديد يعنى

تبسمت ببلاهه ، اقبل نحوهم النادل فطلب لهم
العريس المشروبات

ومن ثم بعدها أردف إليها

__ هبة .. وتسمحيلي نرفع الالقاب ، ايه رأيك

اومات ب رأسها إيجاباً

__ بصى لو فيه توافق ونصيب ، كان عندى

طلب

__ اتفضل

__ نأجل حوار الفاتحه والشبكه لحد م نعرف

بعض اكثر .. يعنى نتقابل ونخرج ونسهر لحد م

ناخد ع بعض

تعجبت هبة من طلبه فاستطرد هو حديثه

__ يعنى نعرف طبع بعض قبل اى خطوة ،

نتجنن نسافر .. انتِ فاهمانى ؟

__ طيب ليه منعلمش كل دا واحنا مرتبطين

رسمى ؟

قالتها رافعه احد حاجبها تتسائل ف أردف هو

_ عشان يمكن وقتها ميحصلش بينا تكافؤ
، وساعتها نكون اتسر عنا فالارتباط عالفاضى !

أقبل النادل ووضع كؤوس العصائر على
المنضدة ، بدأ يبدو الانزعاج على قسمات وجه
هبة

ذهب النادل فقال حازم

_ فيه حاجة قولتها غلط !؟

_ استاذ حازم ، مش موافقه على طلبك
الاستثنائى دا

عاد حازم بظهره لخلف المقعد وأردف واثقاً
بنفسه

_ صدقيني يا دكتورة دى خطوة كويسة
ومتحضره ، بلاش تفكير قديم مالوش لازمه
_ هو انا لما التزم بعاداتي وتقاليدى بيقا تخلف
ومش تحضر وتفكير مالوش لازمه !

تنهد حازم وأردف

_مش فكرة كدا ،بس فيها ايه لو نجرب !

_وبعد م نجرب ومثلا طلعتنا مش متوافقين ،

ابقا انا فنظر نفسي ايه خرجت واتفسحت

وسهرت معاك بصفه ايه؟!!

_يا هبة ،كل الناس حوالينا بتعمل كدا ومحدث

بيفكر بالعقلية دى لما الموضوع ميتمش

هبت هبة واقفه بانز عاج من دون ان تحتسي

مشروبها وامسكت حقيبتها وقالت

_بيقا انا مش من ضمن الناس دى

نظرت ناحية منضدة صديقتها وقالت

_هتقومى معايا ولا تكملوا هنا لو حدكم؟!!

_مساء الجمال والكريستال يا كلاب

قالها بيجاد وجلس ينضم إلى صُحبه اصدقاءه

وفريقه كعادتهم فى إحدى المقاهى ، أردف اليه

احدهم

_هاه ؟ ايه الاخبار انهاردة؟

_ زفت ... زى كل يوم ولا حاجه عدله ولو فيه
حلو الايجار نار

أردف كريم له

_ والحل يا بيجو ، إحنا معتمدين على المكان
ال انت هتأجره عشان هنعمل فيه البروفات
... انت عارف لو أجرنا اى مكان بالساعه
صعب ولو عملنا ف اى مكان من الل احنا
متلقين فيه هنتنفخ وهننطرد

استطرد الآخر وقال موجهاً الى كريم حديثه
_ انت بتقول فيها ، انا جوز عمتى فاضله تگه
وينيمنى مع القطط عالسلم وانا مثبتة اننا لو
كسبنا هشوفه بقرشين حلوين

ضحك أحدهم وقال موجهاً حديثه الى بيجاد
_ بيجو إحنا مقصرين معاك يابا ، إحنا ندور
معاك بزمه عشان نلاقى حاجه نضيفه

خلينا نخلص ونبدء بروفات

هز بيجاد رأسه وقال

_ ماهو انا مصاحب حلايف ، كل واحد اترستى
فمكانه وسايبينى وفالحين عاوزين نبدء عاوزين

نبدء

_ لاء خلاص ، اقتراح درویش تمام ...ندور كل
حد فينافحته وهنلاقي متقلقش

قالها كريم ، اعطى هاتف بيجاد اهتزازاً إثر
قدوم مكالمة هاتفية جديدة له ، أمسك بيجاد
الهاتف ورأى اسم المتصل ف إلتوت شفتيه
وترك الهاتف مرة أخرى ف أردف له أحدهم

_ ماترد يا عظمتو

_ لاء ماليش مزاج

_ إيه وزه من الوز بتوعك ؟

قالها صديق بيجاد وهو يغمز بإحدى عينيه ف
تبسم بيجاد ومسح ع وجه صديقه بسخافه قائلاً

_ خدها ادبها عالعيد يا خفيف

_ ياعم بتلاقي منين وقت تكلم كل دول ويكلموك

_ والله زهقت منهم ، انا هبدء اوز عهم

ضحك الجميع ف أردف كريم

_يا عم مين يز هق من الحلويات

_ما هو برضو النفس بتجزع يا اسطا ، بتبقا

عاوز حاجة حادقة حاجة حرشه

يعنى مثلاً تقعد تاكل ف جاتوه وز لايبه

وبسبوسه على طول على طول بتبقا نفسك

تاكل رنجة

طبق مش ...تاكل ملووحه عارف الملووحه !؟

_ايوة أنا يياسمين !

قالتها هبة بانفعال إثر تحدثها هاتفياً مع صديقتها

ياسمين بعدما قصت لها م حدث بمقابلة

العريس

فقالت ياسمين تهدي من روعها

_طيب إهدى ، انا بس كنت شايفه ان المرة دى

العريس ابن ناس وسنه كويس ومركزه

كان ممكن ناخده على أد عقله يا هبة وبعدها

اعملى الل عاوزاه

_ لاء طبعاً يا ياسمين ،مش هبدء حياتى بكذبہ ..
أنا الل مستغرباله

لما هو عاوز يخرج ويتسلى ببيجى يخطب ليه
،ما يروح وفيه بنات كتير بتعمل كدا جدا

تنهدت ياسمين وقالت لها

_ هبة ،انتِ مكبرة الحوار وللاسف قفلتية قبل م
تدى لنفسك فرصه تانية

بيديها ارجعت هبة خصلات شعرها للخلف
ودمعاتها تنهمر على وجهها وقالت

_ مفيش فرصة تانية ياياسمين ..انا مش بتاعت
تسالى

انا عاوزة اتجوز ...عاوزه استقر والاقى حد
معايا

عاوزه اتكلم مع حد يفهمنى ، يسمعنى لما اتعب
يكون جمبي

عاوزه حد بيدور على استقرار ...على بيت
وأسرة

والجواب كان باين من عنوانه ،دا عاوز يلعب
شوية وينبسط وبعدها هيقولى أنا اسف مش

هينفع!

إتوت شفتى ياسمين وقالت

_والى قبله كانوا إيه يا هبة؟!

_قصدك ايه ياياسمين ،انى معقده ؟!

_مقصدش ،انا بس عاوزاك توسعى مداركك
وافكارك عشان نعرف نلاقى الل بتدورى عليه

دا

اتى صوتاً من الخارج لطفل ياسمين ف
اعتذرت من هبة واغلقت الهاتف ..تركت هبة
الهاتف على فراشها

وتوجهت إلى الشرفة وقالت ناظرة إلى السماء

_يارب ،أنا عارفه أنى مش بنت حلوة أوى

...ومليانه ،بحب الاكل

مهمله ..كسولة ، مملة

بس إنت عارف انى طيبة ، عارف إن طلباتي
سهلة وبسيطة

ليه مش بلقاها ، هو انا الل غلط ... ولاهما الل
بقوا ناس مختلفه عنى وعن الل اتربيت عليه !؟

"أحياناً محاولة إثبات أنك الأفضل تعتبر
إهانة"... لذلك كثيراً من المواقف بحياتنا
لا تحتاج منا بذلاً لنثبت أننا الأفضل، ولا تحتاج
أن ننزل لمستوى غيرنا بدنو أخلاقهم كي
نجعلهم يفهمون أننا الأقوى وأنا لن نعجز
أمامهم.. فـكّر جيداً ووفر طاقتك لما يستحق منك
البذل... تذكر إذا فشلت في رفع أحدٍ لمستوى
أخلاقك فلا تدعه ينجح في إنزالك لمستوى
أخلاقه... فلا تنافس ولا تجادل من هو دونك
لتثبت قوتك.

كانت تسطر هبة هذه الكلمات على صفحته
الشخصية بموقع التواصل الاجتماعي
_ فيسبوك _ وأيضاً سطرته بالقصة
ل_ الواتساب _ وتركت الهاتف وجدت رسالة قد

أتت إليها من صديقة لها كانت تدرس معها
بالجامعة تجيبها على القصة قائلة

_ مين مز علك يا هوبا بس ؟

امسكت هبة الهاتف وردت

_ مفيش ، سلامتك

_ لاء أكيد متنكدة بسبب حاجه

_ يابنتى مجرد كلام ف كلام

أرسلت لها زميلتها ملصق يضحك بشدة وكتبت
لها

_ الممل يعمل اكثر من كدا يا اوختشى ، يا بختك
عندك وقت تكتبي أى كلام

انا من القروود الل معايا مش قادره أسرح شعرى

شعرت هبة بالضيق من الرسالة الاخيرة

لزميلتها ، او انها لم تعد تحتل هذه الطرق

الهزلية مرة أخرى !

فلم تجيبها ف كتبت زميلتها لها

_ اسيبك بقا ابو الولاد بينادى ، عيشي صمتك بقا
انت براحتك

كزّت هبة على أسنانها بشدة وقالت مُحدثه نفسها
_ لاااااه ، إنتِ البلوك ليك دوا

ضغطت زر الحظر لها نهائياً وانتهى الأمر!
"يا ستار ... قلبي ولع نار ستار قلبي ولع نار ده
أنا عيني منك

مستحيل أستغنى عنك نظرة ترضيني
بالترتيب سيب لي نفسك سيب وإهدا لي وإسمع
ده إنت سحر عينيك طماع بان أوي في عيني"
كان يُردد بيجاد مع الاغنية اثناء تناوله وجبه
عشاؤه بالفندق، صانعاً شطيرة جبن ومعها
بعض رقائق بطاطس الشيبس ،ومن ثم اغلق
الاجنية ل يتصفح الموقع المفضل له فى مواقع
التواصل الاجتماعي_ الانستقرام_

كى یرى صور المشاهیر ویبحث عن بعض
صور ومقاطع الفيديو للفتيات ویضغط زر
المتابعه لمن تعجبه شكلها او صورها ..
ما بین هنا وهناك رن هاتفه ف أجاب

_ ایوا یا کیموو

_ ابشرررر یا بیچوووو ،البس الحته بتاعتك
وتعالا نتقابل حالا لاقینالك مخروبة تقعد
فیها یا اسطاللا

ضحك بیجاد وأردف

_ فدیلك یاسطا ،هتلاقینى فدیلك

ومسافة الوقت ،كان بیجاد بمقابلة کریم وصدیق
اخر له بالفریق یرون غرفه بها مرحاض
ومطبخ صغیر للغاية ، فراش لابأس به

کرسی ومنضده وموقد مسطح لصنع الأشياء
البسطة ،شرفة تطل على الشارع الرئیسى

فهى غرفة بأخر دور بالعمارة السكنية

_ الرووف_ كما هو مُتعارف !

الإيجار كما وضعه بيجاد .. إذا كل شئ كما
كان يريد

_ اشطا، همضى العقد دلوقت ل ٦ شهور
للمسابقه زى م فهمك كريم ياعم الحج

_ ماشى ، عربونك وايجار أول شهر وانا هنزل
أجيب العقد والقلم

ذهب المؤجر يأتى بالعقد، وبدأ صخبهم فرحاً
بأن أخيراً إستقر بيجاد وستبدء التدريبات كى
يحتلوا المركز الأول وينالوا الجائزة .

_ شغل الإذاعة علي السماعه

سيبك من الوقت إنت ما صدقت إفرح لك ساعة
رؤق يا برنس وبلاش ساسبنس

إدخل في المود خليك موجود ما تعلي السنس
أرقص وإتحرك، وبلاش تتفرج

فكها كده واقف قافش ليه ما تجرب مرة

(إيه) في الحفلة كثير، وكثير قمامير)

Happy new year قوم شوف مين زعلان
منك قول له

طول ما أنا موجود I feel good

إدخل في الصف ما تبقاش تاف فك الميوت
كان يغنى بيجاد وهو يمسك الكرسي يقرعه بيده
ويتراقص أصدقاؤه وكأنهم فى إحتفال حقيقي
ولا يوجد احد بالبناية دونهم ..،

إلحق جات له جنونات وتهيوات

عايز يحط راسه جوة السماعات

دوخينا يا لمونة وما تلوميش اللي لامونا

حط همومك في البالونة وإضربها بشكة دبوس

دوخينا) يا لمونة (ما تلوميش) اللي لامونا)

حط همومك في البالونة وإضربها بشكة دبوس

شكة دبوس، شكة دبوس

أصوات الصخب ، واصوات أقدامهم كانت
تقرع السقف فوق هبة النائمة وتتناول الأرز مع
الملائكة

ف أستيقظت واستعادت بالله من الشيطان
الرجيم ونظرت لأعلى بعدما أبعدت الوسادة عن
رأسها قائله

_ أعود بالله من الشيطان الرجيم ، العمارة بنتهد
ولا إيه؟!

لاء مفيش حاجه .. نرجع ننام تانى ، تهيوأت
تهيوأت !

نلتقى الفصل القادم

الفصل الثالث

الآلات الموسيقية... والمُعدات ، جيتار
، طبلّة، درامز .. وآله الكمان !

إستقر كل هذا بغرفه بيجاد وأصبحت المكان
المخصص للتدريبات يومياً ومن ثم يرحلون
ويتركون بيجاد ينعم بنوم هادئ...

"ياما قالى .. ياما قالى عالى جواه ، يحلف ..
وانا ليه حاسس بعنيه بحجات بتقول مآمنلوش"
_ لاء شباب شباب... السقفه تبقا باينه مع الدرامز
يعنى انا ابدء تدخلوا معايا درویش و كيمو
أوما برؤوسهم إيجاباً مع تعليمات بيجاد، فقال
الآخر مُحدثا إياهم ..

_ طيب نبدء من الأول بس بنفس ترتيب النوتة

_ يلا بينا .. 4321

معزوفة جميلة تنطلق من غرفه بيجاد تبعث
سعادة لمن يستمعها ،أما عن الاخرى فهم على
موعد معها حينما عادت هبة من عملها بالصباح
ودلفت إلى شقتها .

كانت تستمع لصوت الموسيقى آتى من الدور
العلوي .. رفعت حاجباً ما هذا؟!!

دلفت وبدأت بتبديل ملابسها ،ومن ثم بدأت فى
إعداد طعامها قبل نزولها الفتره المسائيه فى
الصيدلية .

تناولت وجبة غدائها ، وأقامت فرضها بالصلاة
وإرتدت ثيابها مرة أخرى ، وطيلة هذا الوقت
نفس أصوات الموسيقى المنبعثه من الدور
العلوى لا تقف ..!

هبطت مقصدها الصيدلية ، وصلت وم إن
جلست أحست ياسمين ان هبة غاضبة منها
بسبب مهافتتهما الأخيرة .

اقتربت منها وبدأت مداعبتها ،

_مم مكشرة وز علانه خالص منى صح؟
_تصنعت هبة عدم الإهتمام ،ف أكملت ياسمين
_وكمان مش بتردى،دا ز عل بحق وحقيق بقا
_إندفعت هبة بياسمين ك طفل صغير يُفضى
مافى جُعبته

_ياياسمين حسستينى انى دقه قديمه وانى بتتنك
على العرسان فكل مرة
تعجبت ياسمين منها وأرادت إزالة سوء الفهم
بينهما

_لاء طبعاً مقصدش كدا ،انا بقول كنا خدنا
فرصه الأول ونشوف مش كله كدا مفيش فرص
تانية

_فرصة تانية مع مين ياياسمين ؟ مع العريس
دا ..واحد عاوز نخرج ونقضياها من غير اى
ارتباط رسمى !

تبسمت ياسمين وهمت ناحية حقيبتها واخرجت
منها شطيرة محشوة باللحم وقدمتها إلى هبة
وهي تقول

_ طب أنا أسفه بقا ،ياللا اشتريت لى وأنا جايه
واشتريتلك معايا

تنظر هبة ناحية الشطيرة وهي تقول

_ بس أنا لسه متغديه فالبيت!

_ ياستى زودى معايا ، انا جييته وقولت ل
خيرى يجيب أكل للولاد وهو راجع ملحقتش
اعمل غدا

تناولت هبة الشطيرة منها وبدأت فى تناولها مع
ياسمين ف دلف شخص يبدو عليه عدم الاتزان
..وقال بصوت مهزوز

_ والنبي يا أبله عاوز البرشام دا

قامت هبة من جلستها ونظرت إليه ب إستغراب
ونظرت إلى الورقة فهزت رأسها وزممت
شفتيها قائله

_ البرشام دا عالجدول ،مينف عش يطلع إلا
بروشته

حكّ الفتى ب رأسه وقال مردفا بعينان
حمر اوتان

_ يا أبله مفيش روشتات انا بجيبه على كدا
وعاوزه الله يسترك

_ يا أستاذ دا مينف عش يطلع إلا ب روشته
،اتفضل هاتهالى وانا هصرفهولك

غمز الفتى ب إحدى عينيه وتبسم جانب ثغره
بطريقه غريبة قائلاً

_ ماتمشيهالنا بالحب يا ست الناس والفلوس أهيه

رفعت هبة النظارة إلى أنفها وقالت بنبرة حادة

_ مش بصرف النوع دا إلا بالروشته ، بالحب
شوف صيدلية غيرنا ..اتفضل

الفتى يقف كما هو فقالت هبة بصوت قوى

_ إتفضل !!

نظر لها الفتى نظرة توعد .. وحملق ب عيناها
جيداً ثم انصرف وهو يعض على شفتيه ..

عادت هبة إلى ياسمين ، فقالت ياسمين وهي
تنظر إلى حيثما ذهب الفتى

_ ايه دا ، دا شكله عيل من الل ببضربوا برشام
،الله يخربيته

_ هو فعلاً كدا مش شكله

_ انا بقلق من الناس دى ،بس إنت اتصرفتِ
صح يا هبة

_ أنا لازم أتصرف كدا حتى لو قدامى مين
اقتربت ياسمين منها وقالت

_ مكنتيش خايفه وانتِ بتكلميه؟

إلتوت شفتى هبة وأشاحت بنظرها بعيداً وقالت

_ حتى لو خوفت ربنا يستر بقا

_ هتدوقوا من إيدى حبة مكرونة مسلوقة مقطعه
مولعه إنما إيبيه

قالها بيجاد إثر تحضيره للطعام في غرفته
وأفراد فرقتة ينتظرن ويأخذون بعض الراحة

ف أجابه احدهم

مكرونه مسلوقة وفهناها ...مقطعه مولعه

ازای

لا يابيجو مش عشان سايين بيوت أهالينا
ومتغربين تعمل كدا فينا .. إحنا ولاد ناس

برضو

ضحك بيجاد بطريقة سخريه وقال

بقولك إيه يا حبيبي إنت وهو ،اللى مش عاجبه
مياكلش مش كفاية هطفحكم وإنتو قاعدين زى
البغال مش بتعملوا حاجه

رن هاتف بيجاد ف أسرع الجميع نحوه ل
يقرأوا إسم المتصل ، ف رفع بيجاد إصبعه وقام
بطقطقه خفيفه به وقال يجذب إنتباههم له

فيه ايه فيه ايه ،إتلميتوا زى الدبان عالموبايل

ليه

ضحك كريم وقال له

_معلش عندهم فراغ عاطفى

ابتسم بيجاد وهو يقوم بتقليب الطعام وقال

_دا كدا جوع عاطفى ،كلاب عاطفى مش فراغ

بس

ترك مافى يده ،وذهب ناحية هاتفه وقرأ الاسم

وأجاب الإتصال وجلس الجميع بجانبه

يستمعون بشكل مُضحك

_ألو...سمسم حبيبة قلبى وعينى وروحى ،انا

بكاش!! لا و حياة الواد كريم بقول الحقيقة

على الناحية الأخرى كانت تتحدث الفتاه

_ايوة بكاش ، لو انا حبيبتك ناسينى خالص ولا

مكالمة ولا كلمه عالواتس

التدريبات مخلياك مش فاكر أسماء خالص كدا

عاد بيجاد بظهره للخلف وقال

_أقدر ! أنا اقدر برضو ..دنا أموت ،بصى

بموت أهو أهو ياتلحقيني يا متلحقنيش

ضحكت الفتاة بخفه وقالت بصوتها الرقيق

_يالا هوى عالبكش ،انت فظييع

_وانت شنييع وعسيل ولووزيزرز

ضحكت الفتاة مرة أخرى ف أشار بيجاد لأحد

اصدقاءه ان يقوم بمناداته

فقام الآخر بمناداته ولكن بطريقة ساخره مُغيراً

نبرة صوته

_يالا ياسى بيجووووو..يووووه كنت هنسى

الطرحه بتاعتى ،هدخل ألبسها وأدارى شعرى

السايح النايح دا

تجحظت عينا بيجاد وأمسك بعصا

آله_الدرامز_ وقذفه بها بينما قالت الأخرى

على الهاتف

_مين دى يا بيجاد؟

دى الشغاله ،جبت واحدة تنظف الاوضه بس
مقولكيش ست معفنه

انا هقوم بقا يا حبيبتى احاسبها خليها تغور
عشان ريحتها وحشه وقالبه معدتى من الصبح
اغلق بيجاد الهاتف وأمسك صديقه وأبرحه
ضرباً والكل قفز فوقهما الاثنين يضحكون
بصوت عالٍ.

بعدما إنتهت الفترة المسائية لدى هبة وياسمين ،
خرجت ياسمين للتسوق وشراء بعض
الاغراض والترجل بالطرقات ف رافقتها هبة
ك تغيير للروتين اليومى ..

من محل تجاري لمحل آخر ،ومن شارع الى
شارع ..تمضى الساعة وهم يشاهدون الأشياء
المعروضه ويختارون منها ، ويتعرفوا على كل
جديد بالسوق .

ومن بين المحلات ،رأت محل يعرض فساتين
الزفاف البيضاء الجميلة وقفت عنده ومسحت

بيدها على الزجاج وهى تشاهد الفستان وعيناها
زادت اتساعاً من هول جماله.

لاحظت ياسمين ف وقفت بجانبها وشعرت
نحوها بالأسى وقالت لها ب حنو

_ ان شاء الله قريب هتلبسيه.. هتلبسيه مع حد
هيكون بيحبك ومقتنع بيك ومش عاوز غيرك

زمت هبة شفيتها وقالت

_ وفين الاقيه دا بس!

_ إنا الل هلبس يامعلم ؟

_ أيوة انت يابيجو ، إحنا اتفقنا على كدا

_ لاء متفقناش ياكريم إن انا الل ألبس لوحدى

فحوار الإيجار دا ..

تدخل الآخر وقال

_ بيجو إحنا مأسفرين وإنت كدا كدا مأجر

الاووضه لوحدك ، عاوزنا نشيل معاك عشان

بنتدرب فيها ؟!

قال بيجاد منز عجا موجه الحديث إليهم

_بس انا لو مكنتش أجرت كنا هنشوف مكان
نتدرب فيه وندفع كلنا ..بيقا مش عشان حلّيت
موضوع البروفات تخلونى البس وحدى وكل
واحد فيكم قاعد سفائه عند اهله ومعارفه

نظر كريم إلى البقية وقال

_خلاص ي بيجو مش هنختلف ، بس انت تلتين
واحنا تلت ..انت مستنفع اكل وشرب ونوم
ولا نيحى نقعد معاك ونقسم الإيجار علينا كلنا
_كلكم مين ، كدا مش هتبقى أوضة ..هتبقى
صنية جلاش! حلوة التلت

قال أحدهم ممسكاً بآله الكمان

_طب هنكمل ولا إيه عشان نروح

_يالاً 4321

كانت هبة فى طريقها إلى المنزل وسمعت
صوت الموسيقى العالى مرة ثانية !

صعدت وبدلت ثيابها، وتأهبت للنوم... ولكن
كان ليس ب استطاعتها

وبعد محاولات كثيرة منها فاشله .. الصوت كان
مزعجاً للغاية، إرتدت ثيابها

وهبطت إلى محل الادوات الكهربائية الذى
يملكه مالك العقار ،، وبقمة غضبها قالت له

_حاج عبدالله مساء الخير، الاوضه الل
عاسطوح سِكنت ولا دى عفاريت!؟

نظر إليها الرجل وقال بهدوء

_ايوة يا دكتورة هبة، مش عفاريت ولا حاجه
.. الاوضه سِكنت

عدلت من نظارتها الطبية وقالت والشرار
يتطاير من عيناها

_سِكنت ناس بترقع وتطبل اليوم كله ؟ إيه فرقه
أفراح ومناسبات!

_يادكتورة انا راجل صاحب عمارة ...جه حد
مناسب وأجر منى وكتب العقد بتاعه

جوا شفته بقا هو حُر ، يطبل يزمر ميخصنيش

تعجبت هبة وقالت

_والاز عاج يا حاج عبدالله ... انا بقالى ساعة

عاوزة أنام

ضرب الرجل كفأ ب كف وقال

_هبقى أكلمه بالمسئله دى انه ميعملش بروقات

بليل ..

_هو حضرتك لسه هتكلمه !؟

إنصرفت من أمامه بكامل غضبها وصعدت

الدرج ، كان فى مقابلتها أفراد الفريق راحلون

نظرت إليهم شذراً وظلّت فى الصعود حتى

وصلت إلى الدور الأخير وطرقت باب الغرفة

طرقت كثيراً بشكل مُزعج حتى فتح بيجاد الباب

_إنت مين !؟

_إنت الل مين وبتعمل ايه هنا !؟

رفع بيجاد إحدى حاجبيه وعقد ذراعيه وقال

_ انا قاعد فشقتى ، عادى كائن يعيش ويتعاش

_ مانا عارفه ، ايه الاجابة الغبية الغير منطقية

دى

امتعض بيجاد بشفتيه واردف مُغيرا نبرة صوته

ساخراً

_ او مال اجاوب ازاي يا آنسة على حضرتك ،

لابس روب وبحضر دكتوراه

رفعت هبة النظاره الطبية لأنفها وقالت وهى

تحملق به بضيق

_ ايه الاستهتار دا ، ايه التهريج دا ، ايه السخافه

دى

_ ايه الحلاوة دى ... ايه الل بيحصل دا ايه

الطعامه دى

اخذ بيجاد يتراقص أمامها وهو يردد كلماته

، فشعرت هبة بالضيق واقتربت منه قائله

_ انا بحذرك ،الرقع والزمير والطبل وطوم
تاتاع تع طوم تع تع الل طول الليل دا لو
مبطلش انا هجبلك البوليس

_ هتجيبه بتهمة ايه ...بعزف درامز نشاز

_ لاء بتخبط فوق دماغي ومش عارفه أنام

_ فوق دماغك ايه ،، هو إنت ساكنه فالدور الل
تحت؟!

قالها ب استفهام ف اقتربت منه مردفه بلهجه
تحذيرية

_ الشقه الل سقفها تحتك ع طول

رفع حاجبيه واردف بيجاد بعدم اكثر اثار

_ وفيين المشكلة

_ تصدق ان انت بنى آدم لاتتمتع ب آداب

الحديث ولا لياقه ولا شياكه ولا لباقه

_ ولا حداقه ، بقولك ايه ياست الكل انتى بلبس

موضه سنة 60 الل انت طلعالى بيه دا

دى شقتى ، وانا مستأجر وصاحب العمارة
عارف و عارف شغلى وطبيعته
لو مش عارفه تنامى ... ياتحطى قطن ف ودنك
... ي تعزلى !

قالها منفرجه شفتيه اذ بصفين أسنانه البيضاء
تظهر لها بلمعان ، يبدو وأنه قد بدء الحرب
وعليه أن لا يستهين بها ... رفعت حاجبها وقالت
_هنشوف مين فينا ال هيعزل ، يا بيت هوفن!
نلتقى الفصل القادم

الفصل الرابع

ويسألونك عن حُبِّ العزلة، قل: هي راحةٌ من
غِيبَةٍ، وفِرارٌ من نَمِيمَةٍ، ودرءٌ من سَقَطاتِ
اللسان، ورحماتٌ من القيلِ والقالِ ..!!

_ ايه يا بنتى البوست دا عالصبح !

قالتها زميلة هبة بصيدلية المشفى حيث يعملان
صباحاً، ف أجابت هبة ممسكة رأسها مغمضه
عيناها

_ والنبي تسيبى هبة فحالها ، معاك مسكن ؟

_ مسكن!! إحنا فالصيدلية يا حجه ..طبعا فيه

قامت صديقتها من مجلسها واحضرت لها كوباً
من الماء وقرص مُسكن واعطتها إياهم

تجرعتهم واستندت ب رأسها على المكتب
،فاقتربت منها زميلتها تتحدث معها ب إشفاق

_ انتِ منمتيش بليل ولا ايه ؟

_ مبنامش ... مبنامش نهائي من ساعة م جه

الزفت الل سكن فوقى هو وفرقته

ضحكت صديقتها بشدة وقالت

_ ليه يا بنتى !

_ خبط ورقع وطبل وزمر ، فيه مولد وفرح كل

يوم معمول فوقى ، لا عارفه أنام ولا أكل ولا

اركز فالرسالة

دماغى شواكيش جواها

تعجبت زميلتها وقالت لها بغضب

_ اشتكى لصاحب العمارة

نظرت لها هبة شذرا وقالت بنبرة ساخرة

_ من أول يوم اشتكيت ، عارفه قالى إيه؟

هزت زميلتها رأسها ... ف أكملت هبة

_ قالى هو عارف ب كدا وان دا شغل الاستاذ

المستهتر الل ساكن فوقى

وقد امه ٦ شهور بس لميعاد مسابقه وهيمشى
...يعنى انا هفضل فالشواكيش دى ٦ شهور

كمان

_ اشتكيه فالقسم يا هبة

نظرت هبة إليها فجأة ، فهزت زميلتها رأسها لها
وكررت الفكرة ثانية عليها

_ ايوة ، اشتكيه خلليه يمشى وكدا جت قانونى
، يشوف له مكان بقا يخبط ويطلب فيه غير
عندك

احنا ناس ماشيه بالعلاج !

لمعت الفكرة بذهن هبة ، عادت وفكرت بها
مالياً خاصه بعد سماعها لمهرجان من
مهرجانات بيجاد بالطابق الاعلى ، ارادت ان
تقوم بتنبيهه بالحُسنى أولاً ومن ثم تأخذ إجراؤها
صعدت له وطرقت الباب بشدة حتى يستمع
، فتوقف الجميع عن العزف وفتح أحدهم الباب

..ظلت واقفه بلا حراك حتى أتى بيجاد من
الداخل وإلتوت شفتيه قائلاً

_افندم... نعم يا دكتورة

_وعرفت إني دكتورة ...يعنى دا مش هيخليك
تحط فعينك حصوة ملح وتبطل بقا الخبط
والرزع دا

انا أعصابي تعبت

عقد بيجاد ذراعيه ، ووقف أمامها يتحدث

_ياستى والله ،انا مش مقيم افراح وليالى ملاح
...ولا جاى از عج حد وقاصدك انتِ بالذات

أنا بتدرب على مسابقه ودا المكان الوحيد المُتاح
ليا وللفرقه نتدرب فيه

عشان إحنا مش من هنا ..وقدامنا شهر بسيطه
والحفلة كبيرة وهنقدم كذا مقطوعه ودا حلم احنا
بنسعى له بقالنا سنين ...اظن كذا الرؤية
وضحت يا دكتورة

_ وانا ايه ذنبي ! انا واحدة بتصحى الصبح
بدرى تروح شغلها لحد بعد الظهر وأجى يدوب
اغير هدومى وانزل للصيدلية ،بيورد عليا
اشكال والوان لحد بليل اقفل وارجع أبدء فى
الرسالة بتاعتى اللى طبعا محتاجه تركيز
وحظى الأسود مآجلاها بقالى فترة وبدأت فيها
قبل م حضرتك تشرف ومش هينفع أجل تانى
يعنى مجهود زى دا ،اكيد محتاجه أنام شوية ،دا
لو مش هيضايق حضرتك إنت والفرقه!
تتهد بيجاد مع ترديده للحوالة ،ف خرج كريم
صديقه وشارك الحديث

_ طب أنا عندى فكرة يا دكتورة

_ إتفضل

_ ممكن الفترة دى تعزلى عند حد من قرابيك
لحد م تخلص المسابقة وبعدها ارجعى
تعصبت هبة منه فقالت بنبرة غاضبة

_وأمشى ليه أنا، م تمشو انتو ...دى حاجه
غريبة والله

_يادكتورة نمشى ازاي ،انا والعبد لله اتنفخنا
لحد م لاقينا مكان فالقاهرة كويس وعلى أد
الايجار

ضربت هبة كفاً ب كف وطرأت ببالها فكرة ف
اجابتهم

_ومش ملاحظين ليه الاوضه دى بالذات بعد ما
لفيتو كثير تكون ع أد الايجار بتاعكم!
خرج البقية أمام الباب يسمعون لها ، ف ابتسمت
هبة ب خبت وقالت لهم

_الاوضه دى اتقتل فيها حد زمان ، يعنى
مسكونه وبقالها كثير محدش سكنها
وعشان كذا ايجارها ع الاد

_اعاااا اهرب يا ولد !!

قالها أحد أفراد فرقه بيجاد هارباً للداخل يقوم
بحمل اشياءه وفى طريقه للهروب ،

فقال له بيجاد منز عجا

_إثبت ياض فيه ايه

_بتقولك عفريت ياعم

نظر بيجاد إلى هبة بيتسم بسخرية وأردف

_بقا فيه عفاريت هنا؟!!

عقدت هبة ذراعيها وأومات ب رأسها إيجاباً

، فأكمل بيجاد قائلاً

_طب أنا عاوزه يطلعلى

ابتسمت هبة ابتسامه عريضة وقالت

_كدا... ماالشي

تركتم وهبطت الى شقتها ، ارتدت حذاؤها
ومقصدها قسم الشرطه لتقديم محضر بالازعاج

وحيثما ذهبت جلست ف تم إرسال إستدعاء له

بالحضور إلى قسم الشرطة

ف علم المكيدة إذا... ف أمسك بزجاجه وطرق
بها راسه حتى جُرحت جبهته ،، نظر له أفراد
فرقته متعجبين فقال أحدهم

_ إيه دا يا بنى؟

_ مش مشيتها هي أقسام، انا بقا هوريها

هبط بيجاد الى قسم الشرطه وحينما دلف للداخل
اصتنع الشهقات من هول الجرح

وأردف بصوت أجش

_ انا عاوز اعمل محضر فالدكتورة ، بتهددنى
ي أمشى يا تفتح دماغى ...ولما وقفت قصادها
ب أزازة دواء فيه سم قاتل وراحت شلوح
بيها دماغى ياباشا

اتسعت عينا هبة وقالت ب انزعاج ونبرة عالية
غير معتادها

_ أنا !! أنا عورتك ...ايه الكذب دا حرام عليك

_ دكتورة هبة ..فعلا إنتِ قومت بضربه

_ كداب حضرتك ، هضربه ازاي وهو عامل
زي الحيطه كدا

تدخل بيجاد وهو يتحدث بغضب مُفتعل

_ انا عاوز محضر اثبت المعمول فيا دا
حضرتك وتهديداتها اني لازم امشى من العمارة
والا هتجيب اهلها من البلد يعد موني العافية !!
وبعد تدخل من الشرطه ، تم إسقاط محضر أمام
محضر فخرج الإثنين يتوعدان لبعضهما
البعض

فنظرت هبة الى بيجاد

_ برضو هتمشى من العمارة

ضحك بيجاد بسخرية شديدة وقال

_ عند أم ترمس الل بتعانى من الهيربس

_ طب هنشوف

وفى جلسة ل هبة مع زميلتها ياسمين ، كانت
تقصّ لها ما حدث ب أكمله

فضحكت ياسمين كثيراً وقالت

شكـل دمه خفيف أوى

دم خفيف ايه ي ياسمين ، بقولك بنى آدم
سخيف ومستهتر ومش مراعى حقوق الجار

نهضت ياسمين من مكانها وتناولت الماء
تجرعت منه وقالت لها

بصّى، واضح كدا انه فعلا جاى لشغل
..مسابقه وبتاع ،حظك بقا الاسود انه جارك

انتِ

مش ذنبه

وعم عبدالله بيسكن أى حد كدا ينفع او مينفعش

دا صاحب بيت وطبعا هيدور عالمنفعه أولاً

وأخيراً

صمتا الاثنين ف دلف شخص للصيدلية
،نهضت له ياسمين وصرفت له الدواء المطلوب
ومن ثم جلست بجانب هبة ثانية ، بينما كانت

تحك هبة بالقلم فى رأسها تفكر وقالت وهى
شاردة

_ يعنى فكرة شكوى القسم ، فشنتك ! بفكر اشتغل
له فموضوع العفاريت دا

وأجيب حجات قديمه وهدوم مقطعه واحط عليها
ميكروم واحطها قدام شفته

واشترى جمجمه

قاطعتها ياسمين وقالت لها

_ ايه الهبل دا ي هبة ، انت اكبر من كدا يا بنتى
تنهدت هبة بغضب وقالت

_ انا تعبت ، مبقتش مرتاحه ابدا فالشقه .. حرام
كدا والله

إثر تحدثهما ، دلف نفس الشخص الذى دلف
المره السابقه وكان يريد دواء غير مصرح به

وكان يهتز ويبدو عليه عدم الالتزان اكثر
والهذيان

كان يفتعل حركة باصبعيه وهو يستنشق بانفه

، حركات مريية كلها

فنادى بصوت رخيم

_ يا أبله

نهضت هبة من مكانها غاضبه وقالت

_ نعم

_ عاوز الدوا دا ضرورى

_ قولت لحضرتك من المرة الل فاتت ، مينفعش

اصرفه إلا بروشته

هاتلى روشته وهصرفه لك

عيناه حمر اواتان ، كان يحك بهما بيديه ، وقال

وهو يهتز أمامها

_ يا أبله م قولنالک بالحب هاتيه ، وهتاخدى أكثر

من تمنه كمان

رفعت هبة نظارتها لانفها وقالت بإحتداد

_ كمان رشوة ! طيب بقولك ايه بقا ، اتفضل
دلوقت حالا وإلا هتصل بالبوليس
وإياك تعبت الصيدلية دي تانى حتى لو معاك
الروشته .. فاهم!!

نظر لها الشخص بتوعد وقال لها بصوت
هامس

_ حلو أوى كداي أبله ، افكرى بقا الل قولتيه !
انصرف الرجل من أمامها فشعرت هبة
بالخوف منه ولكنها تماكنت نفسها وعادت إلى
مكانها بجانب
ياسمين ..

وفى المساء بعدما اغلقت الصيدلية وودعا بعضهم
البعض ، كانت هبة فى طريقها إلى المنزل
مرت ب محل البقالة تشتري أشياء لها ، ومن
بعيد كان ينتظرها أحدهم ويسير خلفها ، يتبع
خطواتها خطوة خطوة ... حتى وصلت إلى
منزلها ..

دلفت و وضعت اشياءها، فتحت _ التلفاز_ وهى
تعد وجبة العشاء وتستمع إلى الفيلم المُذاع

وتضحك مع قفشاتة !

_ كُلُّ قَلْبٍ وَلَهُ قَلْبٌ يَلِيقُ بِهِ ، اللَّهُمَّ أَجْمَعْنَا بِمَنْ

نُسْتَحِقُّهُ وَيَسْتَحِقُّنَا.. اللَّهُ ي حَبِيبِي اللَّهُ

ايه الكلام الجامد دا استغفر الله العظيم من

الجمال

تفاجئت جنات من ردة فعله وقالت

_ ايه يا بيجو انت بتتريق

اعتدل بيجاد فى جلسته وقال وهو يتحسس جرح

رأسه

_ اااه ، يا حبيتى مش بتتريق بنعنش الجو بلاش

يعنى

قالت جنات ب إهتمام مبالغ فيه

_ بتقول اه ليه ،مالك يا بيجاد .. انا من أول م

رديت عليا وانا حاسة ان فيه حاجه

قولى رد عليا ،انت مخبي عليا إيه

قاطعها بيجاد وقد زاد عليه التعصب

_طب أنا أرد على أنهى سؤال دلوقت ! واحدة

واحدة أما تفتحي تحقيق يا جنات سؤال سؤال

الله يباركك

إثر تحدثها سوياً .. سمع صوت صراخ يأتى

من أسفل فتوقف عن المحادثة

_ثوانى ي جنات ،صوت حد بيصرخ

ترجل حتى الشرفه ووضع اذنه فسمع الصوت

قريباً،يأتى من الدور أسفله

_جنات هكلمك بعدين هكلمك بعدين

على الدرج كان يهبط بسرعه جدا وبملايس

نومه ،وضع اذنه على باب شقة هبة فتأكد ان

الصوت يأتى من الداخل !

ف دفع الباب ب كتفه عدة مرات حتى فُتح ف

وجد الشاب غريب الأطوار هذا يمسك هبة

يضربها ويكسر كل م يقابله بالمنزل مع ترديده

لما بعد كدا اجيلك واقولك عاوز الدوا دا
تديهولى فاهمه !! المرة ظى كدا بس المرة
الجاية هموتك

تدخل بيجاد وسدد له اللكمات واحدة تلو الأخرى
والاخرى ،حتى أحدث جرح فى وجهه كبير
وهو يردد

إنت مين وعاوز منها اييه ،انا هسلمك للبوليس
..اتصلى بالبوليس بسر عااه

هرولت هبة الى هاتفها وهى مذعورة وغير
متزنه من خوفها ، وامسكت به بينما كان بيجاد
يوسع الفتى الغريب ضرباً حتى افقده وعيه
...هاتف هبة الشرطه وكانت إجاباتهم انهم
أتيون على الفور !

ولا سيما اتت الشرطه وامسكت بالمتهم ،كانت
هبة تلهث وتتقطع انفاسها خوفاً

حضرتك هتيجى القسم انتِ والأستاذ عشان
تفيدونا فالمحضر

اخذوا الشخص وذهبوا ، نظرت هبة نحو بيجاد

وقالت على استحياء

_ أنا متشكرة جداً... وأسفة !!

نلتقى الفصل القادم

الفصل الخامس

_ لو سمحت ألبس الكمامه وتعالا أصرف الدوا

_ ياستى مانا جوا الصيدلية أهو وعاوز دوا

ضرورى كان زمانك جبتيه

تأففت الطبيبة الصيدلانية زميلة هبة بصيدلية
بالمشفى ، وهمت بالرد على ذلك الرجل العجوز

_ ياعم الحج لازم تلبس الكمامه دى التعليمات

ودى الإجراءات الاحترازية عشان فيروس

كورونا!

أشاح الرجل بوجهه بعيد ولوح بيديه علامه
الإعتراض، ومضى ... تنهدت الطبيبة وجلست

بجانب هبة

_ ياهووووباللااا ، سرحانه ف ايه

زمنت هبة بشفتيها وقالت ب أسى

_ سرحانه ف الل إحنا فيه دا والله ، معرفش

جالنا منين الوباء دا وأمتى انتشر

أردفت اليها زميلتها فى إندفاع مضحك

_ الله يخربيت الصين والصنيين وخفافيش

الصين ، هما ياكلوا بلاوى زرقا وأحنا نلبس

تنهدت هبة بعدما رددت الحوقلة ، ف دنت منها

زميلتها وسألتها ب خبث وصوت هامس

_ ايبيه مفيش أخبار عن الموز ؟

إنتبهت هبة فنظرت إليها من خلف النظارة

والكمامه وقالت

_ موز!! موز إيه، انت جعانه نفسك فالموز؟

_ هبة متستعبطيش ، بسألك عن جارك

ابو عضلات الموسيقىار الل اسمه ..

تبسمت هبة وقالت

_ بيجاد

_ ايوااا ، بيجاد وبهزار

ضحكا الاثنتين على ما القت به الفتاه من كلمه
عبثية مضحكه ف أكملت تتحدث إلى هبة
_مفیش اخبار بقا بعد حركة الشجاعة ال عملها
معاكِ دى

_لاء ... بس يعنى طبعاً شكرته واتأسفت له
..ومن بعدها حصلت موجه الكورونا دى
وخدولهم فترة مش ظاهرين وبعدها رجعوا بقو
ملتزمين بمواعيد الحظر

ف بقوا يتدربوا بدرى ويمشوا بدرى وبقيت
بعرف أنام ...وبالشكل دا مفیش إحتكاك ما بينا
غمزتها الفتاة بجانب سترتها بخفه وقالت ساخرة
_وانت عاوزة يبقا فيه إحتكاك ياهوبالا

_إيه العبط دا؟! ،لاء طبعاً انا كدا مرتاحه
خالص وهو فحاله وانا فحالى

ولحالى ...أحلالى!

قرص من ال_اسبرين_ وضعه بيجاد ب فمه
ووتجرع جرعة ماء بعدها

إثر تهامس إثنين من اصدقائه بالفرقة من على
بعد يتحدثون ..

_ على فكرة ، الواد بيجاد عيان وانا شاكك كدا
ف ..

قاطعته زميله غاضباً بصوت هادئ

_ شاكك ف إيه متستعبطش ! دور برد عادى

_ ياسلام!! دور برد عادى ! السخونية والكحه
دى وعلى طول ومفيش خافض ولا بيبتل كحه

إحنا مش بنعرف نكمل تدريب من كحته

تدخل كريم وأردف الى الاثنين

_ على فكرة انا مش سامع كلامكم بس خمنتته ،
بيجاد عنده انفلونزا بس شديدة وهنكمل بروفات

واقفلوا عالحوارات بقا منك له

نظر أحدهم ل كريم قائلاً ب اعتراض

_ كريم ... والله انت شاكك زيك زينا بس مش
عاوز تواجهه

_إسمع هو لو عنده كورونا مكانش قدر يقوم
من مكانه ، هو بيتدرب معنا اهو ويلا انجزوا
قبل الحظر

قام بيجاد بمناداتهم والهمة بالبدء ، كانوا مرتدين
كماماتهم ومعهم زجاجات الكحول المعقم ، ،
بدأوا واخذت الساعات حتى بدء يسعل بيجاد
ومن ثم اشتد السعال أكثر وأكثر حتى توقف
الجميع!

_ايبيه يا بيجو!؟

_مفيش حاجه يا جماعة ، هقوم أخذ جرعة من
الدوا الكحة ونرجع نكمل
نهض احدهم معترضا تاركاً ال آله التي بيده
وقال

_نرجع ايه يا بيجاد ، بيجاد إحنا هنوقف وإنت
لازم تنزل تعمل مسحه فالمستشفى
نظر بيجاد نحو صديقه بضيق وأردف له بشئ
من العصبية

_ مسحه!!! إنت عاوز تقول إن عندى كورونا!؟!

_ ايوه كل اعراضك بتقول كدا

نهض كريم يهدى من الوضع المحتد

_ شباب شباب ، مفيش حاجه اصلا

_ لاء فيه يا كريم ، وبصراحه بقا إحنا خايفين
..العمر مش بعزقه

وانا مش هقدر أكمل لحد م نتأكد ان بيجاد
كويس

لكن لو عنده عدوى ...

اقترب بيجاد ناحيه رفيقه وأردف

_ لو عندى ، هنسيب التدريب ونلغى اشتراك
المسابقة!؟!

ابتسم صديقة ساخراً من خلف الكمامه وقال

_ وانا هعمل ايه بالمسابقه وانا فى تعداد
الأموات!!

بعدهما تلفظ زميلة بهذه الكلمات وكأنها ترشق
كالرصاص ، نهض البقية وتركوا الآلات من

يديهم

وهموا بالرحيل واحداً تلو الآخر ... ف نظر

بيجاد إلى كريم

_مستنى إيه؟

_بيجو ... انا هاجى معاك نعمل المسحة ونشوف

عشان نطمئن عليك ، وعشان المسابقة وعشان

حلمنا ال قعدنا سنين نعلمه ... عشان خاطرى يا

بيجاد

متى القلب في الخفقان اطمأن؟! ل أمل دنقل

_بتقرى إيه؟!!

نظرت ياسمين الى ما بين يدي هبة فوجدت

كتيب صغير يحمل ديواناً ، كانت تقرأ ب تمعن

ف أوقفها ياسمين ب أخذ الكتيب منها على

فجأة وتحدثت إليها

_يابنتى بكلمك

_ فيه إيه يا ياسمين ؟

_ سرحانه فالشعر ولا كأنك سمعاني

_ لاء سامعة بس الكلام المكتوب اخدني شوية

ضحكت ياسمين وقالت لها

_ رومانسيته دي هتوديك فداهية فيوم

تنهدت هبة بحزن وقالت وعيناها تتناقل بين

أسطر الكلمات

_ مش يمكن دي الحاجه الوحيدة ال مهونة عليا

ثم سكتت ل برهه وتابعت

_ عارفة ياياسمين ، أنا أوقات وانا بقرا ديوان

شعر ويعجبني

يتهيألى أن الكلام ليّا

وإن فيه حد فعلاً بيقوله ليّا... أى مشهد

رومانسي ببيجي فيلم

أى بوست مكتوب حلو من حد ل حد

انا متخيلة بطل فخيالى ...وبتخيل نفسي قدامه

تأثرت ياسمين كثيراً لما قالت له هبة ، ف
ربتت على أحد كتفيها وضمتها إليها ب حنان
ونظرت إليها ب عمق فى حدقة عينيها وقالت
_بكرة الخيال يبقى حقيقة ، وهتعيشى كل دا
...صدقينى !

وبعد مرور الأيام...

تأكدت نتيجة الفحص لدى بيجاد انه يعانى من
فيروس كورونا !

قام بعزل نفسه بمنزله ، وحده دون أحد ...

بعدها تم تبليغهم بأن الحفل المسابقة الكبيرة
سيقام _اون لاين_ وفقاً للإجراءات الاحترازية
المتخذة.

أى أنه ،ستعزف كل فرقة بمفردها بمكانها
ولجنة التحكيم ستستمع عبر الانترنت.

ولكن!

هناك مشكلة، مرض بيجاد بالفيروس اللعين
جعل هناك تأجيلات للتدريبات

وبالاصل .. لم يتأكد أحد انه سينجو منه... أم لا؟!!

كان يرقد وحيدا وسط عقايره المخصصه،

بغرفته ... هزيل الجسد

يتنفس بصعوبة ،يسعل بشدة ...حرارة جسده

مرتفعه

لا يشعر بشئ ،فاقد حاستي الشم والتذوق..

كان يرن هاتفه عشرات المرات باليوم ،ظلّ

عدد المتصلين فى إنكماش

وتضائل حتى وصل إلى اثنين فقط يتصلون به

كريم ...ووالده !

وعلى الجانب الآخر، لاحظت هبة غيابه

..وغياب فرقته

فى بادى الامر تحدثت الى نفسها أنه من الممكن

بشأن انتشار الفيروس

ولكن بمرور الوقت علمت أنهم كانوا يواصلون

تدريباتهم أثناء هجوم الفيروس لأول مرة بالبلاد

ولا تغيير حدث مثل هذا.

أتى أمر آخر بمخيلتها ، وهو أنه يمكن ان يكون
بيجاد حمل اشيائه ورحل بعدما انتشر الفيروس
ومن الممكن أن يكون هناك سبب قوى تم به
إلغاء المسابقه فعاد الى بلاده !

قطعت هي الشكّ باليقين ، وهبطت تسأل العم
عبدالله مالك العقار

ولكن ما قاله لها كانت المفاجأة!!

عادت منزلها تفكر فى أمره ، لقد اصيب ببيجاد
المغترب بالكورونا

ذلك المرض اللعين ..وقد تركه الاصدقاء
والاقارب خوفاً

أما عنها ...فتذكرت أنه كان السبب فى إنقاذ
حياتها فى يوم ما ..

أن من دونه كان من الممكن ان تموت او يتم
الاعتداء عليها ، الطابق التى تعيش فيه لم يسكن
امامها

سوى رجل مُسن وزوجته ، أى أنه هو الشخص
الوحيد الذى بعثه الله كى ينقذها من هذا المدمن
غريب الأطوار.

تشجعت، استعانت بالله ،، بما إنها طبية
صنعت بذلة وقائية ،ارتدت الكمامه والقناع
العازل فوقها

وغطاء اليد .والقدم ، وصعدت ..طرقت بابه
واحدة اثنان ولايوجد رد
قلبها خفق ،هل مات!

طرقت مرة أخرى ...ومرة ثالثة وفى الرابعه
بعدها بدأت تتأكد شكوكها

سمعت صوته يأتى من الداخل ضعيف للغاية

_ايوااا ، أنا مش..هقدر افتحك يالى برة

_عارفه ،حاول تفتح يابيجاد ..انا هبة وجاية
اساعدك

_دكتورة هبة ...انا مريض كورونا وو

_ عارفه ، وأفتح دلوقت حالا .. أنا مش خايفه
منك و هساعدك

ياللا

حاول بيجاد ان ينهض ، بصعوبة تمكن من
الوصول للباب

ارتدى القناع الواقى لوجهه ، وفتح الباب
نظرت إليه وابتسمت ثم قالت

_ الف سلامه عليك يا بيجاد ، متقلقش كل حاجه
هتعدى

وأننا مش خايفه منك ، ومش همشى غير أما تبقى
كويس وأحسن من الاول.
نلتقى الفصل القادم

الفصل السادس

"ستبقى عيناك تربيكني ، مهما اعتدت رؤيتها "
اليوم ليس كالأمس مُطلقاً ، ف يوم هبة اصبح
غير عادياً كالبارحة
ولا كما اعتادت ، ف أصبحت تستيقظ قبل ميعاد
عملها بساعتين
تصعد لتعطى الدواء إلى بيجاد وتقوم بحقنه
بالإبر المخصصه ل علاجه
وتحضر كمّ سوائل هائل له و صحن من الحساء
فقط عليه تسخينه اءا لزم الأمر وشعر بالجوع .
وتهبط لتتھياً للنزول إلى عملها ، تذهب إلى
صيدلية المشفى
تمضى ساعات عملها ،تعود إلى المنزل تحضر
طعامها وتتناوله على عجاله

من ثم تصعد لإعطاء بيجاد الجرعة التالية من
الدواء ، تستشعر حرارته

سُعاله ، هل سيحتاج إلى انبوب أكسجيني أم لا

تتبع حالته أول ب أول ، يتناول طعامه

...تساعده فى تنظيف ملابسه وتعقيمها عن

طريق غسلها لهم والكى

والغلى بالماء .

ومن ثم تهبط ل تتحضر لعملها الآخر ، وتذهب

للصيدلية إلى حيث ساعات العمل المُصرح بها

من قبل الدولة بسبب الحظر .

ثم تعود وتكرر نفس خطوات ماسبق وتهبط

بعدها تطمئن لحالته ..

ظلت على هذا المنوال لمدة 15 يوم دون تعب

أو كلل أو ملل

وفى ذات مرة

_دكتورة هبة

كانت تحضر الإبرة كي تحقنه بها ، ف إجابت
نداءه وقالت

_ نعم

_ إنتِ ليه بتعملى كل دا ؟

توقفت هبة وتلعثمت ، فلم تجد اجابة ممكنه ل
تقولها

ف أجابته

_ معرفش ، بس الموقف ال إنت عملته معايا
ميتنسيش

ولولاك كان زمان حاجه وحشه حصلت معايا
، اغتصبني مثلاً أو قتلنى

وانت عملت دا بدافع الجدعنه وعشان كنت
لوحدى

وجه دلوقت دورى سبحانه الله ، تكون لوحداك
ومغترب وعندك مرض لعين

ويكون فايدى مساعدتك

_ وازای مخوفتیش منی ؟

ضحك بسخرية وقال

_ انا أصحابي والبنات الل كنت مصاحبهم خافوا

منی ،خافوا حتى يتصلوا بيا تليفونيا!

وانتِ ،مفیش ای صلة بينی وبينك

بالعكس ...خناق ومشاكل وز عيق من يوم م

اتقابلنا

ومع ذلك وقفتِ جمبي فالوقت الل إتهيات فيه

للموت !

لم تستطع هبة أن تنظر إليه ، ف أعطته ظهرها

وتحدثت

_ وانا كمان ،لما جه الولد الشّمّام دا كنت لوحدى

وممعيش حد ،ومحدثش أصلا بيسأل فيّا أو

بيسأل عنى

وكنت على وشك الموت ،وانت جيت

أدارت له ظهرها وقالت بعبثيه وخفه وهى
تبتسم

_ واحدة ب واحدة يابيت هوفن !

إبتسم بيجاد ، ف دنت منه تحقنه بالابرة بينما هو
كان ينظر ناحية عيناها بعمق

احست هى برعشه تسرى ب عروقها ، تماالكت
نفسها

وحملت أشياء ها وهمت بالرحيل فوقفها هو
_ دكتورة هبة

_ نعم

_ مَّتشكر ... وآسف

ابتسمت له ورحلت ...

خلعت كل اشياءها الوقائية عندما هبطت ، وإثر
اغتسالها بالماء الدافئ

كانت تفكر بنظرة عيناها كثيراً ، وبكلماته الاخيرة
الرقيقه لها

هل تحرك الفؤاد؟! أم أنها مجرد أشياء رقيقه
تعطى للقلب لمسها لأحياؤه مرة أخرى

ومن ثم رقوده مرة ثانية؟

أما عنه، لما احتلت تفكيره هكذا؟

هي فقط فتاة عادية تؤدي دور إنسانى منها
فقط؟! حتى الكلمات الرقيقة ليس ب استطاعتها
قولها

ملابسها لست ب أحدث صيحة ، لا تتجمل
ولا تضع أى شىء من مساحيق التجميل ..
ولكنها بدأت تحتل تفكيره ... بدأت تحتل جزء
كبير من يومه

سوى بوجودها أو غيابها.

يود أن يشكرها انها منحته الحياة مرة أخرى ،
أعادت له روحه فى وقت قد تخرى عنه البعض
فى وقت روحه شعرت فيه بوحدتها حقاً وأن كل
من حوله تجمع كاذب ينفض مع أول موقف

قوى !

وكانت هي ..

ملاك الرحمة ، ملاك لطيف لا يريد شئ
... يتعامل ب انسانية

لم تخف العدوى أو الموت ، وقفت بشجاعة
بجانبه

ودق قلبه لأجلها !!

هل حقاً حدث ذلك؟ أى أنه من بين كل هذه
الفتيات ... والصدقات

وبعمره خمسة وثلاثون عاماً ، لم يستطع قلبه
ان يدق لواحد

ودق لها !

عجيب أنت أيها القلب ... ليس لك حسابات او
مواعيد

تدق على حسب من يفهم دقائقك .. ومن يحتوى
نبضاتك

فهنيئاً لمن يظفر بك حقاً ويبقى بك للأبد ... ،

جلست هبة إلى اقرب مقعد بالصيدلية مُتعبه
للغاية ، فلاحظت ذلك ياسمين

ف أقتربت منها وهى تقول

__ هبة ، شكلك تعبان أوى وكأن بقالك سنه

منمتيش

هزت هبة رأسها بالايجاب ، ف قالت لها

ياسمين

__ بيبي ، إيه ال مش بينيمك تانى مش قولتِ

جارك سكت وبقا اهدى

تبسمت هبة وتذكرت شيئاً حدث بالماضى..

* عودة للماضى *

__ إحنا بقينا نخبط ونرقع ف وقت الحظر أهو

وبيمشوا بدرى من سكات وانا بشرب اللبن

وبغسل سنانى وانام

فيه حاجه مطلوبة منى تانى يا دكتورة !؟

تبسمت هبة ورفعت نظارتها الى أنفها وقالت له

وهى تنظر لأعلى لمستوى عينيه

_المفروض الجيران بتقول مساء الخير ..

صباح الخير لما يتقابلوا

عقد بيجاد ذراعيه وقال مبتهجاً

_مساء الفل يا دكتور

_مساء الخير يا استاذ بيجاد

_ايه رأيك ماشيين حسب التعليمات اهو

ضحكت هبة واخفت ضحكتها وقالت له

_انا اصلا بعد اخر موقف منك معايا ،ماليش

عين اقولك علو صوتكم او وطوه

ضحك بيجاد بشدة وأردف إليها

_بصّي الل حصل آخر مرة منى دا ،دا

المفروض يتعمل

وكويس انى كنت فالوقت دا فالشقه

انتبهت هبة ورفرفت ب أهدابها عدة مرات

وقالت وهى تشير بسبابتها

تصدق يا استاذ بيجاد ، ربنا بيسبب الأسباب
..يعنى مقدر ان الولد الشمام دا ارفض اديله

الدوا من غير روشته

ويصمم وييجى يتهجم على شقتى و إنت تكون
ساكن فوقى

عشان تسمع وتيجى تنقذنى ، لان لولاك مكانش
حد سمعنى

الشقه ال قصادى فيها راجل عجوز ومراته
ودول سمعهم ثقيل وحركتهم اتقل الله يكون
فعونهم

وتحت فيه ست وولادها عايشين ودى أكيد مش
هيجيلها الشجاعة تطلع تشوف الصوت من ايه

مفيش غيرك .. سبحان الله

حكّ بيجاد بطرف إصبعه ب طرف مكان شاربه
علامة على النصر وقال ساخراً

_ اهو وجودنا طلع له لزمه يا ست الكل مش
بتوع طبلة ورق زى م قولت

نظرت له هبة ب امتعاض وقالت

_ست الكل !

_ايه مالها ست الكل ؟

_شايبنى والدتك .. انا اطلع اصغر منك ييجى

بعشر سنين وبتقولى ست الكل!

ضحك بيجاد بشدة وقال لها

_انا مبقولش ست الكل يعنى والدتى ،تقدير ا

لسيادتك عشان حضرتك بتتهمينى أنى معنديش

شياكة او لباقة او حداقه

ضحكت هبة وهمت بالصعود مستأذنه منه

،فقال هو لها إثر صعودها

_بصى انا فهمت حاجه ...فيه حجات بتتقدر من

عند ربنا منعرفش ليه بس هى لمصلحتنا أكيد

ليلتك حلوة ياست الكل

تركها ورحل و عادت هى من ذكرياتها فقالت

لها ياسمين

_ لا اقطع دراعى دا حب جديد ، فيه ايه ياهبه
ايه السرحان دا كله

تصنعت هبة التأفف ونهضت تمسك بدفتر ما
وهى تقول لها

_ يوووه يا ياسمين ، هو إنت مش وراكِ أى
حاجه غيرى ... يلا فيه جرد وورانا شغل كتير

وضعت ياسمين يدها الى وجنتها وقالت لها
_ بس انتِ شكك مرهق أوى ، خليها بعدين

_ لاء دلوقت ، يالا انا جاهزة

_ يالا هوى عليكِ دينمو متحرك يخر بيتك
فى هذا اليوم عادت هبة متعبة كثيراً فلم تستطع
الصعود إلى بيجاد لتطمئن لحاله

بينما هو هاتفها تليفونياً واخبرها ب أنه قد أتى
إليه كريم صديقه وذهبا إلى أقرب مشفى
وقام بعمل التحليلات ليطمئن إلى حاله .

وبالفعل كانت النتائج مطمئنة وأنه فى طريقه
للشفاء التام وكانت هذه من المفاجآت لأن
الموجة الأولى ل فيروس كورونا الجديد كانت
قوية ونسبة الشفاء منها ضعيفة جداً

ولكن بإرادة الله ثم بقوة عزيمته ووقوف هبة
بجانبه تعدى مرحلة الخطر ... وفالقريب العاجل
سيشفى منها تماماً.

حتى أتى اليوم وطرق الباب لها ، وحينما فتحت
كان هو بمقابل الباب لها

_ انا أول م قدرت اتحرك عادى واتأكدت من
التعافى من الكورونا الحمد لله جيتلك ، اولاً
عشان لو كل الشكر فالدنيا مش هيوفيك .. تانى
حاجه عشان اعزمك تسمعى الخبط والرقع
بصورة أوضح وتطلعى تعيشي أحلى ٤ ساعات
من الصداع ب أول تدريبات لينا بعد م ربنا
نجانى واتعافيت من الوباء .. إيه رأيك؟

ابتسمت هبه له ابتسامة عريضة ووضعت
وشاحها وصعدت معه ، جلست ونظرت لأجواء

غرفته واضح جداً ب أنها تم غسلها بالماء
والصابون جيداً وتمت تهويتها ..
كل واحد من فرقته أمسك ب ألتة الموسيقية ،
ومع العد التنازلي ..

بدأوا ...

شوق مين ده اللي هيروح

وأنا مستني بابي مفتوح

فيه قلوب بتلاقي قلوب

بس أكيد غير لقي الروح

شوق مين ده اللي هيروح

وأنا مستني بابي مفتوح

فيه قلوب بتلاقي قلوب

بس أكيد غير لقي الروح

حبنا ده اللي عشناه مين فينا يستجري ينسأه

مش سهل ولا عادي ولا مسموح

حبنا ما بينا موجود ولا له آخر ولا حدود

فيه حاجات ليه تتقال شوف عيوني مفضوح
كانت تهتز هبة ب أرجلها مع الألمان ، وتقوم
بترقعه اصابعها انسجاماً معهم ... كان يردد
بيجاد كلمات الاغنية وعيناه مصوبتان لها
، كانت تلحظ هي هذا وتقوم ب إشاحة نظرها
بعيدا عنه

مضى وقت جميل ، اقترب وقت الحظر .. همّوا
بجلب اشياءهم ليرحلوا
بينما تهم هبة بالرحيل
أمسك بيجاد يدها وقال لها ب صوت خفيض
وعينان ساحرتان
_ استعدى عشان بكرة انتِ معزومة ف اكل
شيبسي وببيسي فالشارع معايا قبل ميعاد الحظر
أوك ؟

_ مش هينفع وو

تلعثمت هبة فقطعها هو

_ مناسب ع ، بعد الظهر ، اه مناسب ... تمام كدا

يلا على شقتك

ابتسمت هبة وهبطت تختبئ بعيناها عنه

، وحينما هبطت

انطرحت بظهرها إلى فراشها ونظرت إلى

سقف غرفتها قائله

_فيه قلوب بتنادى قلوب ... بس أكيد غير لقا

الروح

نلتقى الفصل القادم

الفصل السابع والأخير

قد تخلو الشوارع من الناس بسبب الحظر
والإجراءات الاحترازية لصد هجوم وباء
كورونا المستجد ..

ولكن هذا لم يتعارض مع رغبة بيجاد فى أن
يدعو هبة إلى التنزه قليلاً بصحبته ..

أشترى لها كيس من البطاطا المقلية _ الشيبسي _
والحلوى وعلب المياة الغازية .. ومضى محاذياً
بجانبيها

_ تعرف .. أنا أول مرة اخرج مع حد ، أو
عموماً أول مره اخرج فحياتى مع شاب .. إنت
متخيل ؟

كان يقوم بيجاد بفعل _ أكل اللب _ وأردف لها
_ مش متخيل بصراحة ، هو فيه ناس كدا ؟
_ أيوة أنا

_ أنا عن نفسي خرجت مع ستلاف بنت مثلاً
تصنعت الشهقه وقالت وقد اتسعت حدقة عيناها

_ ستلاف!!!

_ مجازاً يعنى للعدد

_ ايوه فاهمه فاهمه ،بس مش كثير العدد دا

او ما برأسه إيجاباً وتابع

_ طبعاً كثير ، بس أنا وقتها مكنتش بحسبها كدا
..كنت بشوف بقا أنى الواد الفهلوى الل هو

لكن بصراحه طلع كل دا تضيع وقت وكذب
عالفاضى

جلست هبة الى اقرب اريكة خشبية فى الشارع
وجلس بيجاد بجانبها تاركاً مسافه قليلة بينهما

_ وأمتى بقا عرفت الحقيقه دى

قام بيجاد بقذف إحدى حبات الفول السوداني
بفمه وأردف وهو يمضغها

_ من زمان ،بس كنت مكمل عشان مفيش حاجة
تانية أعملها

أهى حاجة بتجرى الوقت وخلص

صمتا الاثنين ،فخلعت هبة نظاراها الطبية

وقامت بمسحها بمنديل وهى تتمتم

_ حوار الكمامات دا جه على دماغنا ، كل م

اتكلم أشبر النظارة مش عارفه اعمل ايه

ضحك بيجاد بخفه وقال لها

_ على فكرة فيه اختراع اسمه لينسز ،سمعتِ

عنه !

تصنعت هبة الضحك بسخرية وقالت

_ ياخفه ! ايوة طبعا بس جربتها ومرتاحتش

عندى حساسية فعينى

صمت بيجاد ونظر إلى عيناها من دون النظارة

الطبية وقال بطريقته المعتادة الساحرة

_ تعرفى أنك بتظلمى نفسك بالفاترينا اللى حطاها

دى

تلعثمت هبة ،خفق قلبها بشدة ..بللت شفيتها
وابتلعت ريقها ومن ثم أكمل بيجاد
_ انا بجد مشوفتش أحلى من عنيكِ
تاहत هي في بحر معسول كلماته ،ومن ثم
انتبهت!

نهضت من مكانها واقفه وقالت ب غضب
_ لو سمحت يا بيجاد ،لو هتتكلم كدا أنا همشى
ابتسم بيجاد وقال لها
_ طب خلاص انا آسف مقصدش ،كلمه وطلعت
من قلبي مقصدش
_ لاء انا مبحبش الطريقة دى

_ حاضر ياستى سحبتها،بس والله قصدى خير
إنك تقلعى النضارة دى مخلياكى تيته الحجه
وتلبسى لينسز ،او تعملى تصحيح نظر
عيونك تهبل للأمانه وأنتِ مخبياهم ورا إزاز
_ يوووه تانى!!

وضع بيجاد كف يده إلى فمه وقال

_ خلاص خلاص... سكت خالص

نهضت هبه وقالت

_ طب يلا بينا نكمل تمشية

اكملوا سيرهم صامتان، فكسر حاجز الصمت

بيجاد كالعادة

_ هبة... تعالى نلعب اسئله

_ اسئله! ازاي

_ أنا اسألك سؤال وتجاوبي... وانتِ تسألي

سؤال وأجاب

اشطأ!

لاقت فكرته استحسانها فهزت رأسها وقالت له

_ ماشى، إبدء

_ ليه وافقتِ تخرجي معايا

رفعت نظارتها لانفها، ونظرت له وهي تزمتم

شفتيها خلف القناع وقالت

_ من أولها اسئله صعبه كدا ؟

_ لاء مش صعبه ولا حاجه ،دى ساهلة موت

لسه التقييل جاى ورا

_ لاء بلاش اسئله ثقيله ،خليك حلو

_ مانا حلو أهو ،دنا قمر وعليا شوية اسئله يهبلوا

ضحكت هبه بشدة بصوت رقيق ،ف وقف

بيجاد وقال لها

_ أول مرة اشوف ضحكك ...وبصراحة هى

وعيونك باكدج قمر على بعض

يابخت ال هيصبح بيهم كل يوم !

اتسعت حدقة عيناها وقامت بتحذيره كالعادة

كلما وجدت نفسها ستقع فى فخ شباك كلماته

المعسولة

_ على فكرة بقا همشى

_ أصبرى بس انتِ حماقيه ليه

عقدت ذراعيها وأشاحت ببصرها بعيداً عنه

_مش حماقية ولا حاجة ، بس أنت بتقول كلام
يزعل

_انا بقول الحقيقة

_بس أنا مش عاوزة أعرفها

_ماااشى ياست الكل

_تانى ست الكل !!

ضحك الاثنين ومضوا فى طريقهم ...

بمنعطف إحدى الشوارع قالت له

_معرفش وافقت اخرج معاك ليه ، بس كان

نفسى اتعرف عليك اكثر واجرب احساس

سمعت عنه ومعثوش

ابتسم وأردف لها

_دورك ، أسألينى

ظلت تفكر مالياً حتى وجدت سؤالاً له

_خروجتك معايا ، زى خروجتك مع الستلاف

بنت الل قولت عليهم ؟

تصنع التفكير فعبست هي ب وجهها واستطاع
هو تخمين ملامحها من خلف القناع ، ومن ثم
أردف

_ اكيد لاء ... هما كانت خروجه تضييع وقت

_ طب وأنا؟

_ كدا سؤالين

_ معلش جاوب

_ انتُ خروجه حابب كل تفاصيلها حتى لو
بسيطة

تقافزت نبضات قلبها فرحاً وحاولت تمالك
نفسها ومضت في طريقها سيرا بجانبه .

بعد عودتها للمنزل ، كانت تستعيد بذاكرتها كل
شئ حدث بهذه النزاهة البسيطة القصيرة ... كل
شئ بها اسعدها حقاً وأدخل السرور على قلبها.

أما عن بيجاد ، ذلك الفارس المغوار محطم
قلوب الفتيات ، احتلت تلك البسيطة جدا عقله
وبدات ان تقوم بدق أجراس قلبه ..

والشئ الذى جعل ما بينهم يتوطد ، أصبحت
مكالمات الهاتف كثيرة جداً للأطمئنان على
الحال ل يقصّ كلاً منهم للآخر يومه وتفاصيله ،
ليعيدا أمجاد يوم مضى

ليتذكروا وجودها بجانبه اثناء مرضه ووجوده
بجانبها اثناء اقتحام ذاك الغريب شقتها..
"أن تقوم بإختياري كملجأ، يعني ذلك أنك في
أمان مهما كلفني الأمر."

سطرت هبة هذه الكلمات على صفحتها
الشخصية في موقع التواصل الاجتماعي
فيسبوك، ومن ثم شردت بعيداً فجاءها هاتفه
وكانه يشعر بأنها تفكر به

_ايوة يا بيجاد ، اخبارك ايه

_هبة ...المسابقه بكرة ، هنعزف المقطوعه قدام
لجنة التحكيم أون لاين وبعدها هنعرف النتيجة
منهم ،انا عاوزك من انهاردة لبكره متبطلش

دعا... وای حد معدی فالشارع قوليله يدعيننا
واديله ٢ جنيه

ضحكت هبة بشدة لقفشاته الخفيفة ،وقالت له
_متقلقش ان شاء الله هتكسبوا الجائزة الكبيرة
وحلمكم هيتحقق

اغلقت الهاتف ، وتذكرت بان ال ٦ أشهر قد
مضوا سريعاً هكذا!! هل سيرحل بيجاد الى
بلدته وترحل كل الاحلام معه !؟

هل انتهى الحلم الوردي !!

حزنت كثيراً ،ولكن ماذا عساها ان تفعل ..
أصبحت لا تستطيع نسيانه او التخلي عنه
فيومها ،حتى هو كان يتدرب وعقله شارذ معها
حتى لاحظوه أصدقاؤه

_سرحان ف ايه ي بيج بيجوووو

_تلاقى فيه قطة وقعت جديد فالمصيدة

نظر بيجاد لهم ب امتعاض وقال

_ممكن تقفلوا بوقمك ونخلص الل ورانا وبعدين
نشوف السكر الل انتو فيه دا

دنى كريم منه وقال هامساً ب أذنه

_سرحان ف إيه؟ عشان خلاص هنمشي

...ومش هتشوف هبة !

نظر بيجاد له متفاجئ ف أكمل كريم حديثه

_على فكرة باين عليك أوى ..وهي كمان

حان وقت المسابقة ، تم تجهيز الغرفة

وارتدأؤهم ملابس موحده

وبدأوا العزف مع إشارة البدء ،كانت تنتظر هبة

معهم على أحر من الجمر ..

مضت السويغات وجاءت اللحظة الحاسمة

بفوزهم على ثلاث فرق متسابقه أخرى!!

تعالق أصواتهم مهللين فرحين وصعدت هبة

تشاركهم الفرحة ، وتتقافز معهم وكأنها واحدة

منهم .

_على فكرة ،دا وشك علينا ي هبة

_الف مبروك ي بيجاد أنا فعلا فرحت لك أوى
..ان شاء الله دى أول خطوة لبداية الحلم

_ان شاء الله

مر يومان ..

ذهبوا لاستلام جائزتهم وتصويرهم مع لجنة
التحكيم ونزولها بالجرائد والمجلات المهتمه
بهذا النوع من الفن .

وأنت لحظة الفراق !

همّ بيجاد بالرحيل ، وقف عند باب شقتها
يودعها ... هناك دمعته بمقلتيه تابی النزول
اما عن هبة ، فهي تحاول كتمان مشاعرها وأن
تقف صلبه كما اعتادت .

_انا ماشى ...الجار المزعج السئيل الل
معدوش لباقة ولا حذاقه ولا زرافه ماشى
هتعرفى تنامى كويس وبهدووو ومفيش از عاج
تانى ي هبة

نظرت إلى مقلتيه وقالت كلمتين بسيطتين

_توصل بالسلامة ي بيجاد

اقترب منها ووضع حقيبته جانباً

_ينفع أقول حاجه؟

اومات برأسها إيجاباً ، ف أردف هو

_هتوحشيني ... سلام يا أحلى هبة في الدنيا

ذهب على الفور دون انتظار منها رد !

عادت هبة لسكونها وسكوتها ، عادت للهدوء

اللعين .. عادت لليوم الرتيب

وبيجاد ، أصبحت كلما أتت له مكالمه يقفز من

مكانه متخيلاً أنها هي ولم تفعل!

تفكيره معلق بها طيله الوقت وشروده مرتبط

فيها .

_أيوه ي ياسمين ، جاية معلى راحت عليا

نومة ...م إنتِ عارفه مبقتش بعرف أنام كويس

وما يضير العالم لو أن كل حبيبين التقيا .. بقيا

كُنتم مع نوقلا 2021

إحنا والقمر والجيران

نور إسماعيل

إحتفاليه عيد الفطر جروبنا إبراهيم روكا